

# Co funcziuna noss stadi?

■ (anr/ld) **Gist cumparida è la nova ediziun da «La confederaziun en furma concisa 2012». La nova brochura dat ina clera survista da las instituziuns politicas da la Svizra, dals dretgs e da las obligaziuns dals burgais.**

La nova brochura pon ins er retrair en rumantsch. Sin 84 paginas preschenta ella ils instruments da la democrazia directa, l'organisaziun politica da la Svizra e las incumbensas specificas da las singulas instituziuns. En in curt purtret èn descrittas las singulas partidas politicas da la Svizra e tge che noss parlamentararis fan durant las quatter sessiuns a Berna. Plinavant pon ins s'infurmar davart la terza pussanza da la Svizra: il Tribunal fede-

ral ed ils tribunals d'emprima istanza. La presidenta da la confederaziun, *Eveline Widmer-Schlumpf*, prenda en ina intervista posiziun davart ils divers problems actuals da la Svizra sco la crisa da finanzas, il secret da banca e las prioritads en connex cun las refurmas da taglia sin ruccha.

*Corina Casanova*, la chanceliera federala, scriva en ses pled d'introduzziun: «Il sistem politic svizzer è tenor mes avis insatge nunditg interessant. Adina puspè datti sfidas nunspetgadas ch'ins sto superar. Per che la politica saja interessanta ston ins dentant er chapir ella ed onconuscher intgins detagls. Questa brochura è ina buna basa per quai. Ella explitgescha co che noss

stadi funcziuna e dat ina survista storica da ses svilup. Ultra da quai preschenta ella las trais pussanzas dal stadi, mussa tge partidas e tge persunas che represchentan noss interess a Berna. Tgi che è bain infurmà ha il savair necessari per chapir quai che capita tar nus.»

Il nov document illustrà en colurs è senz'auter adattà per l'instrucziun sin ils divers livels da scolaziun. La brochura «La confederaziun en furma concisa 2012» è disponibla a las entradas en la chasa federala ed en il forum politic «Käfigurm».

**La brochura pon ins retrair ella er sut: BBL, Vertrieb Publikationen, 3003 Berna u sin l'internet: [www.bbl.admin.ch](http://www.bbl.admin.ch)**